

## TUHAAQTAUYUKHAQ

Talvuuna Tattiaqnaqtumi 30mi, 2012mi, Nangariyauyuq James Arreak, Ministauyuq Uqauhiliqiyunik, nuutiqtitivaktuq tuhaatjutikhaq talvuuna Uqasivut Pangnairutikhaq aulatjutikhanga tapfuminga *Ilitariyauhimaqut Uqauhingit Maligaaq* taimalu *tamna Inuit Uqauhingit Munagiyauhimaqut Maligaaq*. Tamna uqauhiliqitjutikhaq malirutikhanga aulajutiqaqniaqtuq hivuniraalukmin nunaptingnut.

### Tamna Malirutikhaq

Tamna nuutaaq *Ilitariyauhimaqut Uqauhingit Maligaaq* aulatitivaktuq Inuit Uqauhingit, Qablunaangit, Uuiiktuniklu taima ilitagiyauyukhat uqauhingit nunaptingi, taimalu havakhimaaqtitihimaaqtun nunaptingni kavamangit havakviingit uqagiangat ikayugiangatlu nunaqaqtunik talvuuna ilitagiyauhimayunut uqauhinik kangiqhitaatainik. Malikhautikhanga nuutiqtirinikkut Uqausivut Pangnairutikhanga, Nunavut Kavaman aulahimaaqniaqtun havaktakhainik aulatitiyaangat nuutaaq Maligaaq taima aulahimaagiangat.

Tamna *Inuit Uqauhingit Munagiyauhimaqut Maligaaq* maligaaqnguqhimayuq Nunavunmi. Tamna Maligaaq hanatiagiikhimayuq taima kiuyaangat ayuknautigiyaingit kangikhitjutikhangit aulahimayut talvuuna Inuit uqauhingit ublumi. Tamna Maligaaq aulatitihimaaqtuq nakuuyumik atugutikhaqni taima kavaman nanminiqaqtuniklu havakviit munagiyaangt, utiqtiifaagiangatlu atuinagianganiklu Inuit uqauhingit talvuuna ilinniaqvingmi, havakvingmi, ubluk tamaatlu tamaini nunaptingni.

### Pangnairutikhaq

Tamna *Ilitariyauhimaqut Uqauhingit Maligaaq*, *Inuit Uqauhingit Munagiyauhimaqut Maligaaq*l tuhulautjutiqaqtuq pivalliatjutikhaqmik inikhimayumik pangnairutikhaqnik talvuuna uqauhingit maligutikhaqnik talvanga havakviinganin Nunavut Kavaman nunalaanilu nanminiqaqtunik havakviini.

2011mi, tamna Ministauyuq Uqauhiliqiyunut nuitittivaktuq inikhimaitumik titiraqmik talvuuna Uqausivut Pangnairutikhaqmik, taimalu iluatquyauvakhimayait Nunavunmiutat ihivriugiangat uqagiangatlu talvuuna mikhaatigut. Havaqatigiplugit Nunavut Tunngavikkut Uqauhiliqiyilu Kamisina, Pitquhiliqiyikkutlu aituqtauhimayut taima ihivriuyagiikhimayunik 35nik titiragiikhimayunik inungnin ilauhimaqaqtunitlu. Una uqagiikhimayut kiuyainik havaqatigiiknirlu ikayuutigivaktuq inikhimayumik Pangnairutikharmik.

Tamna Pangnairutikhaq pingahunik ilaqaqtuq. Hviulliqpaanga, Kingulingalu tunihimaaqtun naunaitiaqhimayumik hivunikhaqnik, aulayuniklu hivunikhaqnik piumayaulaqtunlu tamaini havakviinin aulayut talvuuna *Ilitariyauhimaqut Uqauhingit Maligaaq*, *Inuit Uqauhingit Munagiyauhimaqut Maligaaqni*, pittiaqnikkut; Naunaitkut 3mi aulatitiyut Pangnairutikhangit munaginikkut kiugiaqaqtuniklu havaaqhangit.

Talvuuna maniliqinikkut piyauhimaqut talvanga Kavamanin, tamna Nuanvut Kavaman aulatitinaqtun Uqauhiliqiyut Aulatitinaqhimayut Maniktaqvikhaq ikayugiangt havakviingit nunalaanilu nanminiqaqtun havakviingit talvuuna upautiyaangat uqauhiliqitjutikhangit hivunikhangit. Nunavut Kavaman aulattitihimaaqniaqtunlu nuutaanguqtittigutikhaqnik Nunavunmi aulayukhanik uqauhiliqitjutingnik maniktaqvikhaanik angirutihaqmik talvuuna Kanatami-Nunavunmilu aulahimaaqtukhanik munagitjutikhaqnik atugutikhaaniklu talvuuna Uuiiktunut Inuitlu uqauhiniklu nunaptingni.

Talvani havaktauyukhani, Nunavut Kavaman havakniaqtun naunaitiaqhimayumik, pangnaiyagiikhimayumik havaaqhaqnik, hulilukaagutikhaqnik, tautugiangat ikaaknikhangitlu maligiangat aulatitiyaangatlu hanaqitjutikhaqnik.

Nunavut Kavaman aulahimaaqniaqtun uqaqqatigilugit nunaptingni havakviini, nunalaanilu,  
Uiiliqiyunitlu, Qabluunaangit Uqauhingit taimalu allatlu ihumagiyaunginaqtun aulatitiumayut,  
munagitjutikhaqniku, ihivriuyaangitlu naunaiyagiikhimayut talvuuna Pangnaiyagiikhimayunik.

###